




**BON NOUVÈL
BONDYE BAY LA!**

Fason bwochi sa a kapab ede w:

Grasa bwochi sa a, w ap kontan aprann nan Pawòl Bondye a, Labib, dirèkteman. Vèsè ki nan fen paragraf yo montre ki kote nan Bib la ou ka jwenn repons kesyon yo ekri ak lèt fonse yo.

Pandan w ap li vèsè yo nan Bib la, egzamine fason vèsè yo reponn kesyon sa yo. Nenpòt Temwen Jewova ap kontan rezone avè w pou w rive konprann Labib.

 *Li Lik 24:32, 45.*



Ki jan w ka jwenn vèsè yo bay yo nan Bib ou?

Non yo bay la fè w
konnen ki **liv** pou w chèche.

Premye chif la fè w konnen
ki **chapit** pou w chèche.

 *Li Jan 17:3.*

Chif ki vin apre a oubyen
chif ki vin apre yo fè w
konnen ki **vèsè** pou w li.

JAN 16:33—17:24

monn nan, men pran kouraj! Mwen pot lavikta sou monn nan.”

17 Apre Jezi fin di bagay sa yo,
li leve je 1 gade syèl la, li di:
“Papa, lè a rive. Fè ptit ou a jwenn
glwa, pou ptit ou a ka ba w glwa. **2** Ou
ba 1 pouvwa sou tout moun. Ou fè sa
pou lka bay tout moun ou ba li yo lavi ki
pap janm fini.**3** Pou yo ka gen lavi ki
pap janm fini an, se pou yo aprann konnen
w, ou menm, sèl vrè Dye a, ak sila a
ou te voye a: Jezi Kris. **4** Mwen te ba w
glwa sou tè a, mwen fini travay ou te
ban m fè a. **5** Kounye a, Papa, fè m
jwenn glwa, fè m vin bò kote w pou m ka

Bon nouvèl Bondye bay la!
Good News From God!
Edisyon janvye 2018

Haitian Creole (fg-CR)

© 2012, 2015 WATCH TOWER BIBLE
AND TRACT SOCIETY OF PENNSYLVANIA

Editè:

Watchtower Bible and Tract Society of
New York, Inc., Wallkill, New York, U.S.A.
Made in the United States of America
Enprime Ozetazini d Amerik

Bwochi sa a pa pou vann. Nou pibliye I nan kad yon travay ansèyman biblik n ap fè nan lemonnanyte. Se ofrann volontè ki rann travay sa a posib.

Pou w fè yon ofrann, tanpri al sou www.jw.org/ht.

Tout vèsè yo site nan bwochi sa a soti nan *Labib — Tradiksyon monn nouvo a*. Lè nou pran yo nan yon lòt tradiksyon Labib, nou ekri non tradiksyon an.

Kote yo soti: Anwo paj 6, wolo yo te jwenn bò Lammé Sale a: Shrine of the Book, Photo © The Israel Museum, Jerizalèm; nan mitan paj 6, ak paj 32, anwo adwat; Kodèks grèk: Li soti nan *The Codex Alexandrinus in Reduced Photographic Facsimile*, 1909, avèk pèmisyon British Library; paj 16, Hitler: Li base sou U.S. National Archives photo.

Remak: Tout piblikasyon yo site nan bwochi sa a se Temwen Jewova ki pibliye yo.

Ki sa bon nouvèl la ye?

1

1. Ki nouvèl Bondye bay la?

Bondye vle pou moun viv sou tè a ak kè kontan. Li te kreye tè a ak tout sa ki sou li paske li renmen lèzòm. Talè konsa, li pral aji pou l pèmèt moun nan tout peyi gen yon pi bon avni. Li pral retire tout sa ki lakòz lèzòm soufri.

 *Li Jeremi 29:11.*

Pa gen okenn gouvènman ki janm reyisi elimine vyo-lans, maladi oswa lanmò. Men, gen yon bon nouvèl. Talè konsa, Bondye pral ranplase tout gouvènman lèzòm yo ak pwòp gouvènman pa l la. Moun ki pral viv anba dominasyon gouvènman sa a ap gen lapè ak lasante.

 *Li Ezayi 25:8; 33:24; Danyèl 2:44.*

2. Poukisa bon nouvèl la enpòtan anpil jodi a?

Se lè Bondye fin retire tout move moun sou tè a soufrans ap fini (Sofoni 2:3). Ki lè sa ap fèt? Pawòl Bondye a te déjà anonse sitiyasyon n ap viv kounye a ki mete lavi lèzòm an danje. Evènman k ap rive jounen jodi a montre moman Bondye pral aji a toupre rive.

 *Li 2 Timote 3:1-5.*

3. Ki sa nou dwe fè?

Nou dwe sèvi ak Pawòl Bondye a, Labib, pou nou aprann konn Bondye. Labib tankou yon lèt yon papa ki renmen pítit li voye ba li. Li di nou ki jan pou nou viv pi byen depi kounye a e ki jan pou nou gen lavi ki pap janm fini an sou tè a alavni. Se vre, kèk moun ka pa kontan le-fètke w jwenn èd pou w konprann Bib la. Men, okazyon sa a ou jwenn pou w gen yon pi bon lavi demen twò bél pou w kite l pase.  *Li Pwoverb 29:25; Revelasyon 14:6, 7.*



Kiyès Bondye ye?



1. Poukisa nou dwe adore Bondye?

Vrè Dye a se Kreyatè tout bagay. Li pa gen kòmansman e li pap janm gen fen (Sòm 90:2). Li se Sous bon nouvèl nou jwenn nan Bib la (1 Timote 1:11). Etandone se Bondye ki ban nou lavi, se li menm sèl nou dwe adore.

Li Revelasyon 4:11.

2. Ki kalite moun Bondye ye?

Pa gen okenn moun ki janm wè Bondye, paske Bondye se yon Espri. Sa vle di, lavi li genyen an pa menm ditou ak lavi moun k ap viv sou tè a, lavi l siperyè pase lavi lèzòm (Jan 1:18; 4:24). Men, nou ka rive konn kalite Bondye yo grasa bagay li fè yo. Pa egzanp, divès kalite fwi ak flè ki genyen yo fè nou konnen li gen lanmou ak sajès. Linivè a ki gwo anpil fè nou konnen li gen pisans. *Li Women 1:20.*

Nou ka aprann plis bagay toujou sou kalite Bondye genyen yo lè nou li Bib la. Pa egzanp, Bib la fè nou konnen sa Bondye renmen ak sa l pa renmen, fason li boule ak moun ak fason li reyaji nan divès sitiayson.

Li Sòm 103:7-10.

3. Èske Bondye gen yon non?

Jezi te di: “Papa nou ki nan syèl la, se pou *non* w vin sen.” (Matye 6:9). Byenke Bondye gen anpil tit, se yon sèl non li genyen. Yo pwononse l yon fason diferan nan chak lang. An kreyòl, jeneralman yo pwononse l “Jewova”. Men, gen kèk moun ki pwononse l “Yave”.

Li Sòm 83:18.

Yo retire non Bondye nan anpil Bib e yo mete yon seri tit tankou Senyè oswa Bondye nan plas li. Men, lè yo te

ekri Bib la, li te gen non Bondye anviwon 7 000 fwa. Jezi te fè moun konn non Bondye lè l t ap anseye yo kiyès Bondye ye.  *Li Jan 17:26.*

4. Èske Jewova gen sousi pou nou?

Lefètke gen anpil moun k ap soufri, èske sa vle di

Jewova se yon Bondye ki pa gen sousi pou nou? Gen kèk moun ki fè konnen Bondye fè nou soufri pou l pase nou anba eprèv, men se pa vre.  *Li Jak 1:13.*

Bondye onore lèzòm lefètke li ba yo libète pou yo deside. Èske nou pa kontan dèské nou gen libète pou nou chwazi sèvi Bondye (*Jozye 24:15*)? Men, gen anpil moun ki chwazi fè lòt moun sa ki mal, sa ki lakòz anpil moun soufri. Sa fè Jewova mal lè l wè enjistis sa yo.  *Li Jenèz 6:5, 6.*

Jewova se yon Bondye ki gen sousi pou nou. Li vle nou pwofite lavi a. Talè konsa, li pral elimine ni soufrans ni moun ki lakòz soufrans. Annatandan, li gen bonjan rezon pou l kite soufrans egziste pou yon ti tan. Nan lesyon 8 la, n ap aprann ki rezon li genyen pou sa.

 *Li 2 Pyè 2:9; 3:7, 13.*

Menm jan ak papa sa a ki renmen pitit li, Bondye ap aji pou nou viv byen alavni.



5. Ki jan nou ka vin pi pwòch Bondye?

Jewova envite nou pwoche bò kote lè nou pale avè l nan lapriyè. Li enterese nan nou chak pèsonèlman (*Sòm 65:2; 145:18*). Li dispoze padone nou. Li wè efò nou fè pou n fè l plezi, menmsi pafwa nou pa reysi. Kidonk, malgre nou enpafè, nou kapab gen yon relasyon sere ak Bondye.  *Li Sòm 103:12-14; Jak 4:8.*

Etandone se Jewova ki ban nou lavi, nou dwe renmen l plis pase tout lòt moun (*Mak 12:30*). Plis w ap aprann konn Bondye e w ap fè sa l mande, se plis w ap demonstre lanmou w gen pou li e se plis w ap vin pi pwòch li.

 *Li 1 Timote 2:4; 1 Jan 5:3.*



3

Èske se Bondye ki bay bon nouvèl la vre?



1. Pawòl kiyès ki nan Bib la?

Bon nouvèl ki fè konnen moun pral viv sou tè a pou toutan an ekri nan Bib la (Sòm 37:29). Bib la gen 66 ti liv ladan l. Bondye te itilize anviwon 40 gason fidèl pou ekri yo. Se Moyiz ki te ekri senk premye liv yo sa gen anviwon 3 500 ane. Se apot Jan ki te ekri dènye liv la sa gen plis pase 1900 ane. Pawòl kiyès mesye sa yo te ekri nan Bib la? Bondye te sèvi ak lespri sen l pou l kominike ak moun ki te ekri Bib la (2 Samyèl 23:2). Se panse Bondye yo te ekri, se pa panse pa yo. Se sa k fè se pawòl Jewova ki nan Bib la. *Li 2 Timote 3:16; 2 Pyè 1:20, 21.*

2. Ki jan nou ka sèten sa ki nan Bib la se laverite?

Nou konnen se panse Bondye ki nan Bib la paske Bib la anonse an detay egzakteman sa k pral rive alavni. Pa gen okenn moun ki ka fè sa (Jozye 23:14). Se sèl Bondye Tou-pisan an ki kapab di egzakteman ki jan avni lèzòm ap ye. *Li Ezayi 42:9; 46:10.*

Nou ta dwe atann pou yon liv Bondye fè ekri se yon liv ki san parèy, e se sa menm Labib ye. Yo distribye plizyè milya bib nan plizyè santèn lang. Byenke Bib la egziste depi nan tan lontan, li ann amoni ak lasyans. Epitou, 40 moun ki te ekri l yo pa an kontradiksyon youn ak lòt*. Mete sou sa, Bib la pwouve yon fason klè lanmou Bondye genyen e Bib la gen pouvwa pou l chanje lavi moun, pou l fe yo vin pi bon moun. Tout bagay sa yo fè plizyè milyon moun gen konviksyon Labib se Pawòl Bondye.

Li 1 Tesalonisyen 2:13.

* Gade bwochi *Un livre pour tous* la.

3. Sou ki sa Labib pale?

Youn nan bagay ki pi enpòtan Labib pale de li se bon nouvèl konsènan objektif Bondye gen pou lèzòm ki demontre lanmou li gen pou yo. Labib esplike ki jan lèzòm te pèdi posiblite pou yo viv nan yon paradi sou tè a depi nan kòmansman istwa yo e ki jan finalman pral gen yon paradi ankò.  *Li Revelasyon 21:4, 5.*

Pawòl Bondye a gen ladan l'yon seri lwa, prensip ak konsèy. Mete sou sa, li gen ladan l'istwa sou fason Bondye te boule ak lèzòm, yon istwa ki fè nou konnen ki kelite moun Bondye ye. Kidonk, Labib kapab ede w konn Bondye. Li esplike ki jan w ka vin zanmi Bondye.


 *Li Sòm 19:7, 11; Jak 2:23; 4:8.*

4. Ki jan w ka rive konprann Bib la?

Nan bwochi sa a, yo sèvi ak menm metòd Jezi te konn sèvi a pou yo ede w konprann Bib la. Jezi te konn site pasaj nan Bib la youn apre lòt e li te konn fè moun yo "konprann Ekriti yo".  *Li Lik 24:27, 45.*

Pa gen anyen ki pi enteresan pase bon nouvèl Bondye gen pou nou an. Poutan, gen kèk moun ki pa enterese nan li ditou, e gen kèk lòt ki menm santi li deranje yo. Pa dekouraje. Espwa pou w gen lavi ki pap janm fini an deppan de efò w ap fè pou w aprann konnen Bondye.

 *Li Jan 17:3.*



4

Kiyès Jezi Kris ye?



1. Ki jan lavi Jezi te kòmanse?

Kontrèman ak tout lòt moun, Jezi te viv nan syèl la antanke yon espri anvan l te fèt sou tè a antanke moun (Jan 8:23). Li se premye kreyasyon Bondye, e li te patisipe nan kreyasyon tout lòt bagay. Se li menm sèl Jewova te kreye dirèkteman e se sa k fè gen bonjan rezon pou yo rele Jezi “sèl Pitit” Bondye fè a (Jan 1:14). Jezi te sèvi antanke Pòtpawòl Bondye, se poutèt sa yo rele l “Pawòl la” tou.

Li Pwovèb 8:22, 23, 30; Kolosyen 1:15, 16.

2. Poukisa Jezi te vin sou tè a?

Bondye te voye Pitit li a sou tè a lè l te transfere lavi li te genyen nan syèl la nan vant yon fi juif ki te vyèj ki te rele Mari. Kidonk, se pa yon moun sou tè a ki te papa Jezi (Lik 1:30-35). Jezi te vin sou tè a 1) pou l anseye laverite sou Bondye, 2) pou l ban nou egzanp sou fason pou n fè volonte Bondye menm lè nou jwenn difikilte, e 3) pou l bay lavi pafè li te genyen an pou nou kòm “ranson”.

Li Matye 20:28.

3. Poukisa nou bezwen yon ranson?

Yon ranson se pri yo peye pou libere yon moun anba menas lanmò (Egzòd 21:29, 30). Bondye pa t gen nan objektif li pou lèzòm vyeyi e pou yo mouri. Kòman nou fè konn sa? Bondye te fè Adan, premye gason an, konnen si l

fè sa Bib la rele “peche” a, l ap mouri. Donk, si Adan pa t peche, li pa t ap janm mouri (Jenèz 2:16, 17; 5:5). Labib fè konnen se akoz Adan lanmò “antre” nan monn nan. Konsa,

Ki kalite Jezi te
genyen ki fè moun
pa t pè pwoche
kote l? — MATYE 11:29,

MAK 10:13-16.

Adan pase peche ansanm ak konsekans peche, anpalan de lanmò, bay tout desandan l yo. Nou bezwen yon ranson pou libere nou anba santans nou eritye nan Adan an, anpalan de lanmò.  *Li Women 5:12; 6:23.*

Kiyès ki t ap ka peye ranson an pou libere nou anba lanmò? Lè yon moun mouri, li peye pou peche pa l sèlman. Moun enpafè pa ka peye pou peche lòt moun.  *Li Sòm 49:7-9.*

4. Poukisa Jezi te mouri?


Kontréman avèk nou, Jezi te pafè. Kidonk, li pa t gen pou l mouri akoz peche l, paske li pa t janm fè okenn peche. Men, Jezi te mouri pou peche lòt moun. Lefètke Bondye te voye Pitit li a vin mouri pou nou se yon fason li demontre kokennchenn lanmou li gen pou limanite. Jezi te demontre li renmen nou tou lefètke li te obeyi Papa l e li te bay lavi l pou peche nou.  *Li Jan 3:16; Women 5:18, 19.*

5. Ki sa Jezi ap fè kounye a?

Lè Jezi te sou tè a, li te geri moun ki malad, li te leve mò e li te soulaje moun k ap soufri. Konsa, li te montre sa l pral fè pou tout moun ki obeyisan yo alavni (Matye 15:30, 31; Jan 5:28). Apre Jezi fin mouri, Bondye te reba l lavi e li te fè l vin yon espri (1 Pyè 3:18). Apre sa, Jezi te ret ap tann adwat Jewova jiskaske Jewova ba l pouwva pou l dirije antanke Wa sou tout tè a (Ebre 10:12, 13). Kounye a, Jezi ap dirije antanke Wa nan syèl la, e disip li yo ap anonse bon nouvèl sa a toupatou sou tè a.


 *Li Danyèl 7:13, 14; Matye 24:14.*

Talè konsa, Jezi pral sèvi ak pouwva li genyen antanke Wa a pou l elimine tout soufrans e pou l elimine tout moun ki lakòz soufrans sa yo. Tout moun ki demontre yo gen lafwa nan Jezi lè yo obeyi l ap jwenn lavi nan Paradi a sou tè a.  *Li Sòm 37:9-11.*



5

Ki objektif Bondye gen pou tè a?



1. Poukisa Bondye te kreye tè a?

Jewova bay lèzòm tè a. Se kay nou li ye. Kidonk, Bondye pa t kreye premye mesyedam yo, anpalan de Adan ak Èv, pou yo peple syèl la, anfèt, Bondye te deja kreye zanj pou viv nan syèl la (Jòb 38:4, 7). Okontrè, Bondye te pran premye gason an e li te mete l nan yon bél paradi ki te rele jaden Edenn (Jenèz 2:15-17). Jewova te bay ni li menm ni pitit li t ap vin genyen yo posiblite pou yo gen lavi sou tè a pou toutan. Li Sòm 37:29; 115:16.

Okòmansman, se sèl jaden Edenn nan ki te yon paradi. Premye mesyedam yo te gen pou yo fè pitit pou yo ranpli tè a. Rive yon lè, yo t ap fè tout tè a nèt soumèt e yo t ap fè l tounen yon paradi (Jenèz 1:28). Tè a pap janm detwi. Lap toujou la pou lèzòm abite. Li Sòm 104:5.

2. Poukisa tè a pa yon paradi jodi a?

Adan ak Èv te dezobeyi Bondye, se poutèt sa. Jewova te mete yo deyò nan jaden an. Yo te pèdi Paradi a, e pa gen pèsonn ki rive mete l sou pye ankò. Labib di: "Li lage tè a anba kontwòl moun ki mechan yo." — Jòb 9:24.

Li Jenèz 3:23, 24.

Èske Jewova echwe nan objektif li te gen depi okòmansman pou lèzòm nan? Non. Bondye toupisan. Li pa ka echwe (Ezayi 45:18). Li pral fè lèzòm vin jan l te vle yo ye depi okòmansman an. Li Sòm 37:11, 34.

3. Kòman Paradi a ap fè vin egziste ankò?

Paradi a ap vin egziste sou tè a ankò lè Jezi pral dirije tè a antanke Wa Bondye chwazi. Nan yon gè ki rele Ama-gedon, Jezi pral alatèt zanj Bondye yo pou yo detwi tout moun ki opoze ak Bondye. Apre sa, Jezi pral mete Satan

nan prizon pou 1000 an. Pèp Bondye a ap chape nan des-triksyon sa a paske Jezi pral gide yo e li pral pwoteje yo. Yo pral gen lavi ki pap janm fini an nan Paradi sou tè a.

 *Li Revelasyon 20:1-3; 21:3, 4.*

4. Ki lè soufrans ap fini?

Ki lè Bondye pral mete fen nan mechanste sou tè a? Jezi te bay yon "siy" pou l montre ki lè lafen an t ap toupre rive. Sitiyasyon ki egziste nan monn nan jodi a mete lavi lèzòm an danje e yo montre n ap viv nan "fen sistèm nan".

 *Li Matye 24:3, 7-14, 21, 22.*

Pandan 1000 an Jezi pral dirije tè a detan l nan syèl la, li pral mete fen nan tout soufrans (Ezayi 9:6, 7; 11:9). Nonsèlman Jezi pral Wa, men tou li pral sèvi antanke Gran Prèt e li pral efase peche tout moun ki renmen Bondye yo. Konsa, pa mwayen Jezi, Bondye pral elimine maladi, vyeyès ak lanmò.  *Li Ezayi 25:8; 33:24.*

5. Ki moun ki pral viv nan Paradi ki pral genyen an?

Moun ki obeyi Bondye yo pral viv nan Paradi a (1 Jan 2:17). Jezi te voye disip li yo chèche moun ki gen imilite pou yo anseye yo fason pou yo fè Bondye plezi. Jodi a, Jewova ap prepare plizyè milyon moun pou yo viv nan Paradi a sou tè a (Sofoni 2:3). Nan Sal Wayòm Temwen Jewova yo, moun yo aprann ki jan pou yo vin pi bon mari oswa pi bon papa e ki jan pou yo vin pi bon madanm oswa pi bon manman. Pitit ak paran adore Bondye an-sanm e yo aprann ki jan pou yo viv pi byen grasa bon nou-vèl la.  *Li Miche 4:1-4.*



Nan Sal Wayòm nan,
w ap rankontre moun
ki renmen Bondye e ki
vle aprann ki jan pou yo
fè l plezi.



6

Ki espwa ki genyen pou moun ki mouri yo?



1. Ki bon nouvèl ki genyen konsènan moun ki mouri yo?

Lè Jezi te rive Betani, toupre Jerizalèm, Laza, zanmi l lan, te gentan gen kat jou depi l mouri. Jezi an-sanm ak Mat ak Mari, sè Laza yo, te ale kote yo te antere misye a. Menm kote a, gen yon foul moun ki rasable. Èske w ka imajine jan Mat ak Mari te kontan lè Jezi te fè Laza retounen vivan ankò? Li Jan 11:21-24, 38-44.

Mat te déjà connon bon nouvèl konsènan moun ki mouri yo. Li te konnen Jewova pral resiste moun ki mouri yo pou yo viv sou tè a ankò. Li Jòb 14:14, 15.

2. Nan ki kondisyon moun ki mouri yo ye?

Lòm fèt ak pousyè (Jenèz 2:7; 3:19). Nou pa yon seri espri k ap viv nan kò moun. Nou se moun ki fèt ak chè, donk, pa gen okenn pati nan nou ki ret vivan lè nou mouri. Lè yon moun mouri, sèvo l mouri tou, e panse l peri. Se sa k fè Laza pa t di anyen sou sa k te pase lè l te mouri a, paske lè yon moun mouri li pa konn anyen. Li Sòm 146:4; Eklezyas 9:5, 6, 10.

Èske Bondye mete moun nan dife apre yo fin mouri pou l toumante yo? Kòm Labib fè konnen moun ki mouri yo pa konn anyen, li klè kesyon dife lanfè a se yon fo ansèyman k ap bay manti sou Bondye. Menm lide pou l ta panse toumante moun nan dife se yon bagay ki detestab pou li. Li Jeremi 7:31.

Bondye te di Adan:
“Se pousyè w ye,
w ap retounen nan
pousyè.” – JENÈZ 3:19.

3. Èske moun ki mouri yo ka pale avèk nou?

Moun ki mouri yo pa ka ni pale ni tandé (Sòm 115:17). Men, gen kèk zanj ki mechan. Yo ka pale ak moun pou fè yo konprann se ak moun mouri y ap pale (2 Pyè 2:4). Jewova pa vle nou chèche pale ak mò.

 *Li Detewonòm 18:10, 11.*




4. Kiyès k ap retounen viv ankò?

Gen plizyè milyon moun mouri ki pral retounen viv ankò sou tè a. Pami moun k ap resisite yo, ap menm gen kèk moun ki pa t konn Bondye e ki te konn fè move bagay.

 *Li Lik 23:43; Travay 24:15.*

Moun ki pral resisite yo ap kapab aprann laverite sou Bondye e y ap ka demonstre lafwa nan Jezi lè yo obeyi I (Revelasyon 20:11-13). Moun k ap retounen viv ankò yo e ki pral fè bon bagay ap ka gen lavi pou toutan sou tè a.

 *Li Jan 5:28, 29.*




5. Ki sa rezirèksyon an aprann nou sou Jewova?

Gen espwa pou moun ki mouri yo paske Bondye te voye Ptit li a vin mouri pou nou. Kidonk, rezirèksyon an fè nou konnen Jewova gen lanmou e li fè nou yon favè san parèy. Lè mò yo pral retounen viv ankò, kiyès w ap plis anvi wè?  *Li Jan 3:16; Women 6:23.*

7

Ki sa Wayòm Bondye a ye?



1. Ki sa Wayòm Bondye a ye?

Wayòm Bondye a se yon gouvènman ki nan syèl la. Li pral ranplase tout lòt gouvènman ki egziste e li pral pèmèt volonte Bondye fêt ni nan syèl la ni sou tè a. Nouvèl sa a kon-sènan Wayòm Bondye a se yon bon nouvèl. Lèzòm bezwen yon bon gouvènman, e talè konsa Wayòm Bondye a pral satisfè bezwen sa a. Wayòm Bondye a pral ini tout moun k ap viv sou tè a. *Li Dànyèl 2:44; Matye 6:9, 10; 24:14.*

Yon wayòm dwe gen yon wa alatèt li. Jewova mete Jezi Kris, Pitit li a, Wa nan Wayòm Li an. *Li Revelasyon 11:15.*

2. Sa k fè Jezi se pi bon Wa ki egziste?

Pitit Bondye a se pi bon Wa ki egziste paske li gen bonte e li detèmine pou l fè sa ki dwat (Matye 11:28-30). An-


plis de sa, li gen pouvwa pou l ede moun paske li pral dirije tout tè a pandan l nan syèl la. Apre l te fin resisite, li te monte nan syèl la e li te chita adwat Jewova pandan l ap tann (Ebre 10:12, 13). Finalman, Bondye te ba l pouvwa pou l kòmanse dirije.

Li Dànyèl 7:13, 14.

3. Kiyès ki pral dirije ak Jezi?


Gen yon gwooup moun yo rele “moun ki sen” ki pral dirije ak Jezi nan syèl la (Dànyèl 7:27). Premye moun ki sen Bondye te chwazi se apot fidèl Jezi yo. Jis kounye a, Jewova kontinye chwazi gason ak fi ki fidèl kòm moun ki sen. Menn jan ak Jezi, lè yo mouri, Bondye resisite yo antanke espri. *Li Jan 14:1-3; 1 Korentyen 15:42-44.*

Konbyen moun ki pral nan syèl? Jezi te rele moun sa yo “ti twoupo”. (Lik 12:32.) Yap 144 000 moun antou. Yo pral dirije tè a ansanm ak Jezi.  *Li Revelasyon 14:1.*



4. Ki sa k te pase lè Jezi te kòmanse dirije?

Wayòm Bondye a kòmanse dirije an 1914*. Premye ak-syon Jezi te fè antanke Wa se pimpe l te pimpe Satan ak demon yo sou tè a. Satan te vin fache anpil e li te vin lakòz pwoblèm sou tout tè a (Revelasyon 12:7-10, 12). Depi lè a, pwoblèm lèzòm vin ogmante anpil. Lagè, grangou, epidemi maladi ak tranblemanntè fè pati yon “siy” ki montre talè konsa Wayòm nan pral gen kontwòl tout sa k ap fèt sou tè a.  *Li Lik 21:7, 10, 11, 31.*




5. Ki sa Wayòm Bondye a reyalize?

Gen yon travay predikasyon k ap fèt toupatou sou tè a, e grasa travay sa a, Wayòm Bondye a deja rasanble yon gwo foul moun ki soti nan tout nasyon. Gen plizyè milion moun sensè ki vin gen possiblité pou yo viv anba dominasyon Wayòm nan ki gen Jezi kòm Wa. Lè Wayòm Bondye a pral detwi sistèm mechan ki la kounye a sou tè a, l ap pwoteje moun sa yo. Kidonk, tout moun ki vle jwenn byenfè Wayòm Bondye a ap pote yo dwe aprann obeyi Jezi.  *Li Revelasyon 7:9, 14, 16, 17.*

Pandan 1 000 an, Wayòm nan pral reyalize objektif Bondye te genyen pou lèzòm depi okòmansman an. Tout tè a pral tounen yon paradi. Alafen, Jezi pral remèt Papa l Wayòm nan (1 Korentyen 15:24-26). Èske gen yon moun ou ta renmen pale de Wayòm Bondye a avè l?

 *Li Sòm 37:10, 11, 29.*

* Pou w jwenn detay sou fason pwofesi ki nan Bib la te anonse ane 1914 la, gade paj 217-220 nan liv *Ki sa Labib kapab anseye nou?* an.



1. Ki jan mechanste te kòmanse?

Mechanste te kòmanse sou tè a lè Satan te bay premye manti a. Okòmansman, Satan se te yon zanj ki te san defo, men “li pa t kenbe fèm nan laverite”. (Jan 8:44.) Li te vin anvi pou yo adore l, alòske se sèl Bondye ki merite pou yo adore l. Satan te bay Èv, premye fi a, manti e li te rive fè l obeyi l olye li obeyi Bondye. Adan te suiv Èv, li te dezobeyi Bondye. Desizyon Adan an lakòz soufrans ak lanmò. Li Jenèz 3:1-6, 19.

Lè Satan te ankouraje Èv dezobeyi Bondye, se yon rebelyon li te deklannche kont dwa Bondye genyen pou l dirije. Pifò moun suiv Satan e yo rejte Bondye antanke Chèf yo. Konsa, Satan vin “chèf monn nan”. Li Jan 14:30; 1 Jan 5:19.

2. Èske sa Bondye te kreye yo te gen defo?

Tout sa Bondye kreye san defo. Li te kreye ni moun ni zanj ak kapasite pou yo obeyi l totalman (Detewonòm 32:4, 5). Li te kreye nou ak libète pou nou chwazi ant fè sa ki byen ak fè sa ki mal. Libète sa a ban nou posiblite pou nou demonstre lanmou nou gen pou li. Li Jak 1:13-15; 1 Jan 5:3.

3. Poukisa Bondye pèmèt soufrans jiska prezan?

Pandan yon tan, Jewova pèmèt moun fè rebelyon kont dwa li genyen pou l dirije. Poukisa? Pou l montre si se pa li

menm k ap dirije pa gen anyen gouvènman yo ap fè k ap pote byenfè pou lèzòm (Eklezyas 7:29; 8:9). Apre 6 000 an depi lèzòm egziste, se yon bagay ki klè, dirijan yo pa reyisi eliminate lagè, krim, enjistis ak maladi.

Li Jeremi 10:23; Women 9:17.

Bondye pèmèt lèzòm dirije ase lontan yon fason pou l montre yo pa kapab rezoud pwoblèm limanite.

Kontréman ak gouvènman lèzòm yo, gouvènman Bondye a pote byenfè pou moun ki aksepte l yo (Ezayi 48:17, 18). Talè konsa, Jewova pral elimine tout gouvènman lèzòm yo. Se sèl moun ki aksepte Bondye dirije yo k ap abite sou tè a.
— Ezayi 11:9.  Li Danyèl 2:44.

4. Ki sa pasyans Bondye pèmèt nou fè?

Satan fè konprann pa gen yon moun k ap sèvi Jewova san se pa yon enterè l ap defann. Èske w pa ta renmen demanti Satan? Ou ka fè sa. Pasyans Bondye pèmèt nou demontre si se Bondye nou vle dirije nou oubyen si se lèzòm. Se fason nou viv k ap montre ki chwa nou fè.

 Li Jòb 1:8-12; Pwovèb 27:11.

5. Ki jan nou ka chwazi Bondye kòm Chèf nou?

Nou ka chwazi Bondye kòm Chèf nou lè nou chèche konn ki sa vrè adorasyon an ki baze sou Pawòl Bondye a ye e lè nou pratike l (Jan 4:23). Nou ka rejte Satan kòm chèf nou lè nou imite Jezi, sa vle di lè nou pa mele nan politik e lè nou pa patisipe nan lagè.  Li Jan 17:14.

Satan sèvi ak pouvwa li genyen pou l ankouraje moun pratike bagay ki imoral, bagay ki ka fè yo mal. Lè nou sispann pratike bagay sa yo, gen kèk zanmi nou ak kèk moun nan fanmi nou ki ka pase nou nan rizib oubyen ki ka opoze ak nou (1 Pyè 4:3, 4). Kidonk, nou gen pou n fè yon chwa. Èske n ap fè zanmi ak moun ki renmen Bondye? Èske n ap obeyi Iwa Bondye yo ki gen sajès ladan yo e ki montre lanmou Bondye gen pou nou? Si nou chwazi obeyi Iwa Bondye yo, n ap pwouve se manti Satan te bay lè l te fè konprann pa gen moun k ap obeyi Bondye lè yo anba presyon.
 Li 1 Korentyen 6:9, 10; 15:33.

Lanmou Bondye gen pou lèzòm ban nou garanti mèchanste ak soufrans ap fini. Moun ki demonstre yo kwè sa ap gen lavi sou tè a pou toutan.  Li Jan 3:16.



9

Ki jan fanmi w ka viv ak kè kontan?



1. Poukisa maryaj esansyèl pou yon fanmi viv ak kè kontan?

Jewova, Bondye ki gen kè kontan an, gen yon bon nouvèl pou fanmi yo: li vle yo viv ak kè kontan (1 Timote 1:11). Se li menm ki kreye maryaj. Li esansyèl pou yon gason ak yon fi marye legal pou fanmi an viv ak kè kontan, paske maryaj la ap pèmèt yo leve pitit yo nan yon anvivònnman kote timoun yo ap an sekirite. Kretyen yo dwe respekte lwa ki genyen sou anrejistreman maryaj nan zòn kote y ap viv la. *Li Lik 2:1, 4, 5.*

Ki jan Bondye konsidere maryaj? Li vle pou maryaj la se yon inyon k ap dire pou toutan ant yon gason ak yon fi. Jewova vle pou mari ak madanm fidèl youn ak lòt (Ebre 13:4). Li rayi divòs (Malachi 2:16). Men, li bay kretyen yo posiblite pou yo divòse e pou yo marye ak yon lòt moun si moun yo marye avè l la fè adiltè. *Li Matye 19:3-6, 9.*

2. Ki jan mari ak madanm ta dwe boule youn ak lòt?

Jewova kreye gason ak fi pou youn ede lòt nan maryaj la (Jenèz 2:18). Se mari a, antanke chèf fanmi an, ki responsab pou l bay fanmi an sa l bezwen nan domèn materyèl e ki pou anseye fanmi an bagay ki gen rapò ak Bondye. Li dwe fè sakrifis pou madanm li pou l montre l li renmen l. Mari ak madanm dwe renmen youn lòt e yo dwe gen respè youn pou lòt. Etandone tout mari ak madanm enpafè, pou yo gen kè kontan nan maryaj yo, li trèzenpòtan pou yo aprann padone. *Li Efeyen 4:31, 32; 5:22-25, 33; 1 Pyè 3:7.*

3. Èske w ta dwe kite moun ou marye avè l la si pa gen kè kontan nan maryaj la?

Si w gen pwoblèm nan maryaj ou, se pou ni ou menm ni moun ou marye avè l la fè efò pou youn trete lòt avèk amou (1 Korentyen 13:4, 5). Pawòl Bondye a pa ankouraje separasyon kòm yon mwayen pou moun rezoud yon seri pwoblèm ki kouran nan maryaj.

 *Li 1 Korentyen 7:10-13.*



4. Timoun, ki sa Bondye vle pou nou?

Jewova vle nou gen kè kontan. Li ban nou pi bon konseù ki genyen sou fason pou n pwofite jenès nou. Li vle nou pwofite sajès ak eksperyans paran nou genyen (Kolosyen 3:20). Mete sou sa, Jewova vle nou gen kè kontan lè n fè yon seri bagay pou li menm ki Kreyatè nou ak pou Pitit li a.  *Li Eklezyas 11:9–12:1; Matye 19:13-15; 21:15, 16.*



5. Paran, ki jan pitit nou ka gen kè kontan?

Nou dwe travay di pou n bay pitit nou manje, rad ak kote pou yo rete (1 Timote 5:8). Men, pou pitit nou gen kè kontan, nou bezwen aprann yo tou pou yo renmen Bondye e pou yo kite Bondye anseye yo (Efezyen 6:4). Egzanp nou bay ki montre nou renmen Bondye ka touche kè pitit nou anpil. Lè n baze enstriksyon n ap bay pitit nou sou Pawòl Bondye a, sa ka fè l gen bon panse.

 *Li Detewonòm 6:4-7; Pwovèb 22:6.*

Li bon pou timoun yo lè n ankouraje yo e lè n feli-site yo. Yo bezwen koreksyon ak disiplin tou. Fòmasyon konsa pwoteje yo pou yo pa gen konduit ki ta ka anpeche yo gen kè kontan (Pwovèb 22:15). Men, nou pa ta dwe janm discipline yo yon fason ki di oswa ki brital.


 *Li Kolosyen 3:21.*

Temwen Jewova yo pibliye plizyè liv ki fèt espesyalman pou ede ni paran ni timoun. Liv sa yo baze sou Labib.

 *Li Sòm 19:7, 11.*

10

Ki jan w ka rekònèt vrè relijyon an?



1. Èske se yon sèl vrè relijyon ki genyen?

Jezi te anseye disip li yo yon sèl relijyon, vrè relijyon an. Vrè relijyon an tankou yon wout ki mennen nan lavi ki pap janm fini an. Jezi te di: "Se kèk gress moun ki jwenn" wout sa a (Matye 7:14). Sèl adorasyon Bondye aksepte se adorasyon ki baze sou Pawòl li a, Pawòl verite a. Tout vrè adoratè yo ini nan yon sèl lafwa. Li Jan 4:23, 24; 14:6; Efezyen 4:4, 5.

"Fè atansyon ak fo pwofèt yo."

— MATYE 7:15.

2. Ki sa Jezi te di anrapò ak fo kretyen yo?

Jezi te fè konnen gen fo pwo-fèt ki t ap kòwonz krisyanis la. Pa deyò, yo sanble ak moun k ap adore Bondye toutbon. Legliz moun sa yo ladan yo fè kwè se legliz kretyen yo ye. Men, ou ka wè ki sa moun sa yo ye toutbon. Kòman? Se sèl vrè relijyon an ki bay bonjan kretyen. Moun rive rekònèt kretyen sa yo grasa bèl kalite yo genyen ak fason yo aji. Li Matye 7:13-23.

3. Ki jan w ka rekònèt vrè adoratè yo?

Ann egzamine senk bagay k ap fè nou rekònèt yo:

■ **Vrè adoratè yo respekte Bib la antanke Pawòl Bondye.** Yo fè efò pou yo viv selon prensip ki ladan l yo.

Donk, vrè relijyon an pa menm ak relijyon ki baze sou ide lè-zòm yo (Matye 15:7-9). Vrè adoratè yo pa preche yon bagay epi yo fè yon lòt. Li Jan 17:17; 2 Timote 3:16, 17.

"An piblik,
yo deklare yo
konnen Bondye,
men yo nye l nan
aksyon yo."

— TIT 1:16.

■ **Vrè disip Jezi yo onore non Bondye, Jewova.** Jezi te onore non Bondye lè I te fè moun konn non sa a. Li te ede moun yo konn Bondye e li te aprann yo priye pou non Bondye vin sen (Matye 6:9). Nan zòn kote w rete a, ki relijyon ou wè ki fè moun konn non Bondye?

 *Li Jan 17:26; Women 10:13, 14.*

■ **Vrè kreyten yo preche konsènan Wayòm Bondye a.** Bondye te voye Jezi preche bon nouvèl Wayòm nan. Se Wayòm Bondye a ki sèl espwa pou limanite. Jezi te kontinye pale konsènan Wayòm Bondye a rive jis jou l mouri a (Lik 4:43; 8:1; 23:42, 43). Li te di disip li yo t ap gen pou yo preche konsènan Wayòm Bondye a. Si yon moun vin pale avè w konsènan Wayòm Bondye a, nan ki relijyon sandout moun sa a ye?  *Li Matye 24:14.*


■ **Disip Jezi yo pa fè pati monn mechan sa a.** Ou ka rekònèt yo paske yo pa patisipe ni nan politik ni nan konfli sosyal ki genyen yo (Jan 17:16; 18:36). Epitou, yo pa imite ni move bagay k ap fèt nan monn nan ni move atitud moun nan monn nan genyen.  *Li Jak 4:4.*

■ **Vrè kreyten yo gen anpil lanmou youn pou lòt.** Grasa Pawòl Bondye a, yo aprann respekte moun tout ras. Souvan, fo relijyon yo bay lagè nasyon yo ap fè yo anpil jarèt, men vrè adoratè yo refize fè sa (Miche 4:1-3). Okontré, vrè kreyten yo itilize tan yo ak sa yo genyen pou yo ede lòt moun e pou yo ankouraje yo, san se pa yon enterè y ap defann.  *Li Jan 13:34, 35; 1 Jan 4:20.*

4. Èske w ka rekònèt ki relijyon ki vrè relijyon an?

Ki relijyon ki baze tout ansèyman l sou Pawòl Bondye a, ki onore non Bondye e k ap fè konn Wayòm Bondye a kòm sèl espwa pou limanite? Ki gwoup moun ki demonstre lanmou e ki pa patisipe nan lagè? Sa w panse?

 *Li 1 Jan 3:10-12.*





1. Poukisa nou bezwen konsèy?

Kreyatè nou an gen plis sajès pase n. Antanke yon Papa ki gen lanmou, li gen sousi pou nou. Epitou, li pa t kreye nou pou n viv endepandan parapò ak li (Jeremi 10:23). Kidonk, menm jan yon timoun bezwen konsèy nan men paran l, se konsa tou nou tout bezwen konsèy nan men Bondye (Ezayi 48:17, 18). Prensip ki nan Bib la se konsèy yo ye, e konsèy sa yo se kado Bondye ban nou. Li 2 Timote 3:16.

Lwa ak prensip Jewova ban nou yo fè n konnen ki pi bon fason pou n viv depi kounye a e yo montre n kòman nou ka jwenn byenfè k ap dire pou toutan alavni. Etandone se Bondye ki kreye nou, se toutafè nòmal pou n koute konsèy li ban nou e nou ta dwe genyen l rekonesans pou sa.

Li Sòm 19:7, 11; Revelasyon 4:11.

2. Ki sa prensip ki nan Bib la ye?

Prensip ki nan Bib la se yon seri verite jeneral, alòske lwa yo kapab itil nan sitiyasyon espesyal (Detewonòm 22:8). Nou dwe sèvi ak kapasite nou genyen pou n reflechi a yon fason pou n konprann ki jan nou ka aplike yon prensip nan yon sitiyasyon (Pwovèb 2:10-12). Pa egzanp, Labib fè n konnen lavi se yon kado Bondye ban nou. Prensip sa a ka gide n nan travay nou, lakay nou e lè n ap vwayaje. Lap ede n pran prekosyon pou n pwoteje tèt nou. Li Travay 17:28.

3. Ki de prensip ki pi enpòtan?

Jezi te pale konsènan de prensip, e se yo ki pi enpòtan. Premye prensip la fè n konnen

Ki jan prensip ki nan Bib la ka ede n pran prekosyon pou n pwoteje tèt nou? – SÒM 36:9.

objektif lavi nou antanke moun, sa vle di aprann konn Bondye, renmen l epi sèvi l fidèlman. Nou ta dwe konsidere premye prensip sa a nan tout desizyon n ap pran (Pwovèb 3:6). Moun ki viv ann amoni ak prensip sa a vin zanmi Bondye, yo jwenn vrè kè kontan an e y ap gen lavi nètale.  *Li Matye 22:36-38.*

Dezyèm prensip la ka ede nou viv anpè avèk lòt moun (1 Korentyen 13:4-7). Pou n rive suiv li nan lavi nou, sa mande pou n imite Bondye nan fason l boule ak moun.  *Li Matye 7:12; 22:39, 40.*

4. Ki jan prensip ki nan Bib la ede nou?

Prensip ki nan Bib la montre fanmi yo ki jan yo ka ini grasa lanmou yo demontre youn pou lòt (Kolosyen 3:12-14). Pawòl Bondye a pwoteje fanmi yo tou lè l anseye yo yon lòt prensip, prensip ki fè konnen maryaj la ta dwe dire toutan.  *Li Jenèz 2:24.*

Lè n suiv prensip ki nan Bib la, sa ka pwoteje n ni nan domèn materyèl ni nan domèn afektif. Pa egzanp, souvan patwon yo pi renmen anplwaye k ap viv ann amoni ak prensip ki nan Bib la ki mande pou moun onèt e pou yo travay ak dilijans (Pwovèb 10:4, 26; Ebre 13:18). Pawòl Bondye a anseye nou tou pou n aprann kontante n ak bagay ki nesesè pou n viv e pou n bay amitye n ak Bondye plis valè pase bagay materyèl.  *Li Matye 6:24, 25, 33; 1 Timote 6:8-10.*

Lè n viv ann amoni ak prensip ki nan Bib la, sa ka pwoteje sante nou (Pwovèb 14:30; 22:24, 25). Pa egzanp, lè n suiv lwa Bondye bay pou moun pa bwè pou yo sou, sa pwoteje n kont yon seri maladi ki ka touye nou e kont yon seri aksidan (Pwovèb 23:20). Jewova aksepte nou bwè bwason ki gen alkòl, men se sèlman si n fè sa ak kontwòl (Sòm 104:15; 1 Korentyen 6:10). Prensip Bondye yo ede n paske yo fè n konnen nonsèlman nou dwe fè atansyon ak sa n ap fè, men tou nou dwe fè atansyon ak sa n ap panse (Sòm 119:97-100). Men, vrè kretyen yo pa suiv prensip Bondye yo sèlman paske yo pwofitab pou yo. Yo fè sa tou pou yo onore Jewova.  *Li Matye 5:14-16.*





1. Èske Bondye koute tout priyè?

Bondye envite tout kalite moun pwoche bò kote I nan lapriyè (Sòm 65:2). Men, li pa koute *tout* priyè, sa vle di li pa aksepte *tout* priyè. Pa egzanp, si yon gason ap maltrete madanm li, priyè I kapab bloke (1 Pyè 3:7). Epitou, lè Iz-rayelit yo te pèsiste nan fè sa k pa bon, Bondye te refize koute priyè yo. Li klè, lapriyè se yon onè Bondye fè nou. Epoutan, Bondye ap aksepte priyè menm moun ki konn fè gwo peche si yo repanti. *Li Ezayi 1:15; 55:7.*

2. Ki jan nou ta dwe priye?

Lapriyè se yon pati nan adorasyon n ap bay Bondye, se sa k fè se Jewova, Kreyatè nou an, sèlman nou dwe priye (Matye 4:10; 6:9). Epitou, kòm nou enpafè e nou pa ka pwoche bò kote Bondye poukонт nou, nou ta dwe priye nan non Jezi paske li te mouri pou peche nou (Jan 14:6). Jewova pa vle pou n ap repepe priyè pakè oswa pou n ap repepe priyè moun ekri, men li vle pou priyè nou yo sot nan kè nou. *Li Matye 6:7; Filipyen 4:6, 7.*

Kreyatè nou an ka menm koute priyè moun fè an silans (1 Samyèl 1:12, 13). Li envite nou priye I nenpòt ki lè, tankou nan kòmansman jounen an, nan aswè, lè n pral manje ak lè n gen pwoblèm. *Li Sòm 55:22; Matye 15:36.*

3. Poukisa kretyen yo reyini?

Li pa fasil pou nou pwoche bò kote Bondye, paske n ap viv nan mitan moun ki pa gen lafwa nan Bondye e k ap pase pwomès li fè pou gen lapè sou tè a nan rizib (2 Timote 3:1, 4; 2 Pyè 3:3, 13). Se sa k fè nou bezwen reyini ak

kwayan parèy nou yo k ap ankouraje nou, e yo menm tou yo bezwen ankourajman nan men nou.

 *Li Ebre 10:24, 25.*

Si w fè zanmi ak moun ki renmen Bondye, sa ap ede w pwoche bò kote l. Reyinyon Temwen Jewova yo fè yo ban nou okazyon pou nou jwenn ankourajman nan lafwa lòt moun.  *Li Women 1:11, 12.*

4. Ki jan w ka pwoche bò kote Bondye?

Ou ka pwoche bò kote Jewova lè w medite sou sa w aprann nan Pawòl li a. Reflechi pou w wè ki sa w ka aprann nan sa l fè, nan direksyon li bay ak nan pwomès li fè. Lapriyè ak meditasyon ap fè w gen rekonesans pou lanmou Bondye ak sajès li genyen.  *Li Jozye 1:8; Sòm 1:1-3.*

Ou ka pwoche bò kote Bondye sèlman si w kwè nan li, si w gen lafwa nan li. Lafwa menm jan ak yon bagay ki vivan ki bezwen yo nouri l. Ou dwe nouri lafwa w toutan lè w kontinye medite sou rezon ki fè w kwè.

 *Li Matye 4:4; Ebre 11:1, 6.*

5. Ki byenfè w ap jwenn lè w pwoche bò kote Bondye?

Jewova pran swen moun ki renmen l yo. Li kapab pwo-teje yo pou anyen mal pa mete ni lafwa yo ni esperans yo genyen pou yo viv pou toutan an an danje (Sòm 91:1, 2, 7-10). Li fè nou konnen tout sa pou nou pa fè pou n pa met sante nou an danje e pou n pa pèdi jwa nou. Jewova an-seye nou pi bon fason pou nou viv.

 *Li Sòm 73:27, 28; Jak 4:4, 8.*





1. Èske tout relijyon bon?

Nan tout relijyon gen moun ki sensè. Se yon bon nouvèl pou nou konnen Bondye wè moun ki sensè yo e li gen sousi pou yo. Malerezman, gen moun ki sèvi ak relijyon pou yo fè mechanste (2 Korentyen 4:3, 4; 11:13-15). Selon sa ki rapòte nan nouvèl, gen kèk relijyon ki menm rive enplike nan zak teworis, nan masak, nan lagè ak nan abi seksyèl sou timoun. Ala sa dwe fè moun sensè ki kwè nan Bondye yo lapenn! *Li Matye 24:3-5, 11, 12.*

Vrè relijyon an bay Bondye glwa, alòske fo relijyon an pa fè l'plezi. Fo relijyon an anseye yon seri ide ki pa nan Bib la, sa gen ladan l' fo ansèyman sou Bondye ak sou mò yo. Men, Jewova vle pou moun yo konnen laverite sou li.
 Li Ezekyèl 18:4; 1 Timote 2:3-5.

2. Ki bon nouvèl ki genyen konsènan relijyon?

Erezman, Bondye pa pran nan blòf relijyon ki fè konprann yo renmen l' yo, alòske an reyalite se monn Satan an yo renmen (Jak 4:4). Pawòl Bondye a rele tout fo relijyon yo “Gran Babilòn nan”. Babilòn se te ansyen vil kote fo relijyon te kòmanse apre delij la ki te fèt nan epòk Noye a. Talè konsa, sanzatann, Bondye pral eliminate relijyon k ap twonpe lèzòm e k ap toupizi yo.
 Li Revelasyon 17:1, 2, 5, 16, 17; 18:8.

Gen yon lòt bon nouvèl. Jewova pa blyie moun ki sensè ki gaye nan fo relijyon toupatou sou tè a. Li ini moun sa yo grasa laverite li anseye yo. *Li Miche 4:2, 5.*

3. Ki sa moun ki sensè yo ta dwe fè?

Jewova gen sousi pou moun ki renmen sa ki verite ak sa ki bon. Li mande yo pou yo kite fo reliyon. Moun ki renmen Bondye yo dispoze fè chanjman pou yo fè l'plezi.

 *Li Revelasyon 18:4.*

Nan premye syèk la, lè moun ki sensè yo te tande bon nouvèl apot yo t ap preche a, yo te reyaji ak kè kontan. Jewova te anseye yo yon nouvo fason pou yo viv ki te ba yo kè kontan, e yo te vin gen yon objektif ak yon esperans. Yo se bon egzanz pou nou jodi a paske lè yo te tande bon nouvèl la, yo te byen reyaji, yo te mete Jewova an premye nan lavi yo.  *Li 1 Tesalonisyen 1:8, 9; 2:13.*

Moun ki vire do bay fo reliyon an, Jewova akeyi yo pamি adoratè l yo ki fome yon fanmi. Si w aksepte bèle envitasyon Jewova fè w la, w ap vin zanmi l, moun k ap adore Jewova ansanm avè w yo ap vin tounen yon nouvo fanmi pou ou ki renmen w, e w ap jwenn lavi ki pap janm fini an.  *Li Mak 10:29, 30; 2 Korentyen 6:17, 18.*

4. Ki jan Bondye pral fè moun tout peyi gen kè kontan?

Jijman fo reliyon an ki pral fèt la se yon bon nouvèl. Li pral pote soulajman toupatou sou tè a pou moun y ap toupizi yo. Fo reliyon pap janm twonpe lèzòm ankò e li pap janm divize yo ankò. Tout moun pral ini nan adorasyon sèl vrè Dye a.  *Li Revelasyon 18:20, 21; 21:3, 4.*

Vrè reliyon an
ini moun.





1. Poukisa Bondye te òganize Izrayèl nan tan lontan an?

Bondye te òganize desandan Abraram yo, li te fè yo vin yon nasyon e li te ba yo yon seri lwa pou yo suiv. Li te rele nasyon sa a “Izrayèl” e li te ba l responsab ni vrè adorasyon an ni pawòl li a (Sòm 147:19, 20). Konsa, moun tout nasyon te ka pwofite dispozisyon sa a Bondye te pran pou Izrayèl. *Li Jenèz 22:18.*

Bondye te chwazi Izrayelit yo pou yo vin temwen l. Istwa nasyon Izrayèl la montre jan moun ka jwenn byenfè lè yo obeyi lwa Bondye yo (Detewonòm 4:6). Konsa, grasa Izrayelit yo, lòt moun te ka rive konn vrè Dye a. *Li Ezayi 43:10, 12.*

2. Poukisa yo òganize vrè kretyen yo?

Rive yon lè, Izrayèl te pèdi favè Bondye, e Jewova te vin ak kongregasyon kretyen an pou ranplase nasyon sa a (Matye 21:43; 23:37, 38). Kounye a, se vrè kretyen yo ki temwen Jewova nan plas Izrayelit yo.

Li Travay 15:14, 17.

Jezi te òganize disip li yo pou yo preche e pou yo fè disip nan tout nasyon (Matye 10:7, 11; 24:14; 28:19, 20). Jodi a, nan fen sistèm ki la kounye a, travay sa a ap avanse pou l rive nan nivo ki pi wo a. Se premye fwa nan listwa Jewova ini plizyè milyon moun ki soti nan tout nasyon nan vrè adorasyon an (Revelasyon 7:9, 10). Yo òganize vrè kretyen yo pou youn ka ankouraje lòt e pou youn ka ede lòt. Nan lemonnantye, vrè kretyen yo gen menm pwogram enstriksyon ki baze sou Bib la nan reyinyon yo fè. *Li Ebre 10:24, 25.*

3. Ki jan òganizasyon Temwen Jewova yo te kòmanse nan epòk nou an?

Nan ane 1870 yo yon ti gwoup etidyan Labib te kòmanse dekovri yon seri verite nan Bib la ki te kache depi byen lontan. Yo te konnen Jezi te òganize kongregasyon kretyen an pou l preche. Se sa k fè yo te kòmanse yon kanpay entènasyonal pou yo preche mesaj Wayòm nan. An 1931, yo te vin pote non Temwen Jewova.

 Li Travay 1:8; 2:1, 4; 5:42.



4. Ki jan yo òganize Temwen Jewova jodi a?

Nan premye syèk la, kongregasyon kretyen yo nan plizyè peyi te gen yon kolèj santral ki te alatèt yo tout e ki te rekonèt Jezi kòm Chèf kongregasyon an (Travay 16:4, 5). Konsa tou jodi a, Temwen Jewova toupatou sou tè a gen yon Kolèj santral ki gen ladan l yon seri ansyen ki gen eksperyans. Kolèj santral la sipèvize filyal Temwen Jewova yo k ap tradui, k ap enprime e k ap distribye publikasyon ki baze sou Labib nan plis pase 600 lang. Konsa, Kolèj santral la kapab bay plis pase 100 000 kongregasyon toupatou sou tè a ankourajman ak direksyon ki soti nan Bib la. Nan chak kongregasyon, gen yon seri mesye ki kalifeye k ap sèvi kòm ansyen, oubyen kòm siveyan. Mesye sa yo ap pran swen twoupo Bondye a avèk amou.

 Li 1 Pyè 5:2, 3.

Yo òganize Temwen Jewova yo pou yo preche bon nouvèl la e pou yo fè disip. Menm jan ak apot yo, nou menm Temwen Jewova, nou preche kay an kay (Travay 20:20). Anplis de sa, nou ofri tèt nou pou n etidye Labib ak moun ki renmen laverite ak tout kè yo. Men, nou pa sèlman yon òganizasyon. Nou se yon fanmi ki gen yon bon Papa. Nou se frè ak sè ki gen sousi youn pou lòt (2 Tesalonisyen 1:3). Etandone pèp Jewova a òganize pou l fè Jewova plezi e pou l ede lòt moun, yo se fanmi k ap viv ak plis kè kontan sou latè.

 Li Sòm 33:12; Travay 20:35.



Poukisa w dwe kontinye?



1. Ki byenfè w ap jwenn si w kontinye etidye Labib?

Pa gen dout, ansèyman fondamantal ou sot egzamine nan Bib la ranfòse lanmou w gen pou Jewova. Ou dwe kontinye travay pou w fè lanmou sa a vin pi fò toujou (1 Pyè 2:2). W ap ka toujou gen espwa jwenn lavi ki pap janm fini an si w kontinye pwoche bò kote Bondye grasa etid w ap fè nan Pawòl li a. *Li Jan 17:3; Jid 21.*

Plis w ap vin gen konesans sou Bondye, se plis lafwa w ap vin pi solid. Lafwa ap ede w fè Bondye plezi (Ebre 11: 1, 6). Lap pouse w pou w repanti e pou w fè chanjman ki nesesè nan fason w ap viv. *Li Travay 3:19.*

2. Ki jan lòt moun kapab benefisyé konesans ou gen sou Bondye a?

Natirèlman, w ap anvi pataje sa w aprann yo ak lòt moun paske nou tout renmen bay bon nouvèl. Pandan w ap kontinye etidye Labib, w ap aprann fason pou w sèvi ak Bib la pou w bay rezon ki fè w gen lafwa nan Jewova ak nan bon nouvèl la. *Li Women 10:13-15.*

Pifò moun kòmanse pataje bon nouvèl la ak zanmi yo oswa ak fanmi yo anvan. Men, se pou w fè sa avèk tak. Olye pou w di yo reliyyon yo a pa bon, pale yo pito de pwo-mès Bondye fè yo. Epi pa bliye, souvan, konduit nou gen plis efè sou moun pase sa nou di. *Li 2 Timote 2:24, 25.*

3. Ki relasyon w ka vin gen ak Bondye?

Lefètke w ap etidye Pawòl Bondye a, sa ap ede w vin gen pi bon relasyon ak Bondye. Rive yon lè, ou ka gen yon rela-

Ou ka vin
gen yon relasyon
espesyal ak Jewova.



syon vrèman espesyal ak Jewova. Anfèt, ou ka vin fè pati fanmi l, konsa w ap vin moun pa l. *Li 2 Korentyen 6:18.*

Ki sa Labib
kapab anseye nou?



4. Ki jan w ka kontinye pwogrese?


Ou ka vin gen pi bon relasyon ak Bondye lè w kontinye etidye Pawòl li a (Ebre 5:13, 14). Mande yon Temwen Je-wova pou l etidye Labib avè w nan liv *Ki sa Labib kapab anseye nou?* an. Plis w ap aprann konn Pawòl Bondye a, se plis lavi w ap reyisi. *Li Sòm 1:1-3; 73:27, 28.*

Se Jewova, Bondye ki gen kè kontan an, ki bay bon nou-vèl la. Ou ka pwoche bò kote l lè w vin pi pwòch ak pèp li a (Ebre 10:24, 25). Si w kontinye fè efò pou w fè Jewova plezi, w ap gen lavi toutbon an, lavi pou toutan an. Vrè-manvre, pwoche bò kote Bondye se pi bon bagay ou ka fè.

Li 1 Timote 1:11; 6:19.

Yo enprime liv sa a
nan anpil lang e ou ka
jwenn li sou Entènèt
nan www.jw.org

KI SIJÈ KI PI
ENTERESE W?



1




Ki sa bon
nouvel la ye?

2

Kiyès Bondye ye?

3

Eske se Bondye
ki bay bon nouvel
la vre?



4

Kiyès Jezi
Kris ye?

5



Ki objektif Bondye
gen pou tè a?

6

Ki espwa ki
genyen pou moun
ki mouri yo?

7

Ki sa Wayòm
Bondye a ye?



8

Poukisa Bondye
pèmèt mechanste
ak soufrans?

9


Ki jan fanmi w ka viv
ak kè kontan?

10

Ki jan w ka rekonèt
vrè reliyon an?

11

Ki jan prensip ki nan
Bib la itil nou?



12

Ki jan w ka pwoche
bò kote Bondye?

13

Ki bon nouvel
ki genyen konsènan
relijyon?

14

Poukisa Bondye gen
yon òganizasyon?